

# INUIT ATAQATIGIIT INATSIARTUNI



UKA2022/35

20.10.2022

Harald Bianco

**Isertuussanik kalerriisarneq pillugu inatsisissamik kalerriisartunik  
illersuisus-samik Naalakkersuisut piareersaallutillu  
siunnersuutearnissaannik, suliassal-lu tamatuma  
aalajangiiffigisassatut siunnersuut manna akuertsissutigineqar-  
niariarpat aallartinneqarnissaannik, peqquneqarnissaannik Inatsisartut  
aalaja-ngiiffigisassaattut siunnersuut.**

(Inatsisartunut ilaasortaq, Asii Chemnitz Narup, Inuit Ataqatigiit)

Soorlu siunnersuuteqartup aalajangiiffigisassatut siunnersuutaani  
tunngavilersuummini oqaatigigaa, isertuussanik kalerriisartut  
illersorneqarsinnaanerat inatsisitigut najoqqu-tassanik erseqqissumik  
peqanngitsoq. Inuit Atqatigiinniit isumaqarpugut isertuussanik kalerriisartut  
aamma inatsisitigut illersugaasariaqartut, tamanna pineqartunut pingaa-  
ruteqaqimmat.

Suliffinni allanilu eqqunngitsoqartillugu qassimmita ingerlatserusukkaluarlutik  
tunuarsi-maaginnartarpat, nalunnginnamikku taamaaliorunik allaat  
suliffimminniit soraarsitaa-nermik kinguneqarsinnaasoq. Qassimmita  
isertuussanik kalerriisartut tunuartiinnartar-pat, oqarfigineqarlutik; suliffiit  
pigiinnarniarukku nipangertariaqarputit! Qassimmita suliffitsik annaavaat  
suliffimminni isertuussamik saqqummiigaluarnemi kingornagut.

# INUIT ATAQATIGIIT INATSIARTUNI



Uani siunertap atuutilersitsinerullu kingunerissavaa soraarsitaanissamik allatigulluun-niit ajortumik kinguneqartitsinissamik siorasaarneqarnermi illersorneqarsinnaalernis-saq. Taamatullu inatsisissap atuutilerneratigut isertuussanik kalerriisartoq nipangiusi-sussaaitaanermik unioqqutitsisutut akisussaatinneqarsinnaajunnaasaaq. Tassa iser-tuussanik kalerriisartoq nalunaaruteqarnermini akornusersorneqaraniluunniit akornusersorniarneqarsinnaajunnaasaaq.

Taamatuttaaq isertuussanik kalerriisartut eqqunngitsumik pineqarnermi kingornagut taarsiiffigineqarnissamik piumasaqarnermi periarfissaat annertunerulertussaavoq, uppersarsarsinnaaguniuk inatsisit eqqorlugit iliutsini pisoq.

Inuit Ataqatigiiniit isumaqataaffigaarput inatsit atuutilerpat, suliffeqarfiit inatsimmut atuutilersumut sulisuminnut paasititsiniaaqataasarnissaanik isuma, inatsisip qanoq atorineqarsinnaanera pillugu.

Pineqartoq nunatsinni ajornartorsiutit annertuut ilaattut taasariaqartuusoq oqaatigeru-sunnarpoq. Taamaattumik inatsisissatut siunnersuutip atuutilerumaarnissaa Inuit Ata-qatigiiniit tapersersornarteqaarput, inuit ataasiakkaat illersorneqarnissaat pisariaqa-qimmat.

Inunnut paasissutissanik (DATA) tunngatillugu tamanut atuumassuteqanngitsumik pi-lersitsinissamik isuma Inuit Ataqatigiiniit ataatsimiititaliami eqqartuiffiginissaa soqu-tigaarput ammaffigalugulu.

Naggataagut Naalakkersuisut inatsimmik suliaqarnissamik soqutigisaqarnerat Inuit Ata-qatigiiniit nuanaarutigaarput. Kiisalu aningaasalersornissaanut

# INUIT ATAQATIGIIT INATSIARTUNI



pingaarnersiuvisoqar-tariaqarneranik isuma tapersersornartillugu. Siunertammi pivirusunngortinnissaa innut-taasunut pingaaruteqaqimmat.

Taamatut Inuit Ataatigiiniit oqaaseqarluta siunnersuut taperserlugu, ataatsimiititalia-mut susassaqartumut ingerlateqqipparput